

عُرس في قانا

1 بعد ثَلث أَيّام، كان كائِن عُرس في قانا فالجليل، وكانت ثَمّة يَمّات يَسوع. 2 يَسوع والتلاميذ تَعو تاني كانوا مَعروضين للعُرس، 3 خَصّ الشُّراب، وقالتلو يَمّاه لِيَسوع: "ما عندهُمش الشُّراب" 4 قاللها يَسوع: "يا مُرا، واش كائِن بيني وبينك؟ مازال ما جاتش ساعتِي" 5 قالت يَمّاه للخَدّامين: "ديرو كامل واش يقوللُكم" 6 داك الوقت، كانوا كائنين ثَمّة ست قُساط تَع الحَجَر، مَحليينهم لليهود باش يَطْهرو، كُل قُسط تَرَفد قيس زوج وَلَا تَلت كيلات كُبار. 7 قاللهم يَسوع: "عَمّرو القُساط بالما"، عَمّروهم حتّى للقم. 8 وقاللهم: "عَمّرو دُرك وأدبو لِي موكَل باش يَقوم بالوايمة". دارو هَكدا 9 كي داق الموكَل عالوايمة الما اللي وَلَا شُّراب، وَهُوَ ماشي عارَف منين جا هاد الشُّراب، بَصَح الخَدّامين اللي عَمّرو الما كانوا عارفين، عَيّط للعريس، 10 وقاللو: "كُل إنسان يَسْبِق يُسربي قَبْل الشُّراب المَلِيح وبعدهما يَسْكرو الشُّراب اللي يُسربيه ما يَكُونش مَلِيح كيما الأولاني، وأنت خَلّيت الشُّراب المَلِيح حتّى لُدرك". 11 هَدِي كائنت في قانا فالجليل البَدِيّة تَع المارات تَع يَسوع، وَبَيّن مَجْدو، وَأمنو بيه التلاميذ تَعو. 12 بعد هَدا، هَبَط لكفر ناحوم مع يَمّاه وخاوتو، والتلاميذ تَعو، وَقعدو ثَمّة غير يامات.

اللي يبيعو فالمعبد

13 عيد الفصح تَع اليهود كان قُريب، وطلَع يَسوع لأورشليم، 14 وثقا فالمعبد اللي يبيعو الفراد والغنم والحمام واللي يَبْدَلو الذرَاهم قاعدين عالميدات تَعهم. 15 خَدَم مَشْحَط بالحَبِيلَة، وحاوَزْهُم كامل مالمعبد بالغنم والفراد، وزرَبَ الصُرف تَع اللي يَبْدَلو الذرَاهم وَقَلب الميدات، 16 وقال لِي يبيعو الحمام: "نَحْيو هَدا من هنا، ما تَرَدّوش دار بابا دار للتجارة". 17 تَفَكَّرُو التلاميذ تَعو باللي مَكْتُوب: "تاكُلني الغيرة على دارك" 18 جاوبو اليهود وقالولو: "واشَن هِي المارة اللي ثورَيلنا، باش تُدير هَكدا؟" 19 واجَب يَسوع وقاللهم: "هَدُو هاد المعبد وفي ثَلث أَيّام تُعاوَد تُوقَفُو" 20 قالو اليهود: "أَتَبنا هاد المعبد في سَنَة وَرَبْعين سَنَة، وأنت تُعاوَد تُبنيه في ثَلث أَيّام؟" 21 هُو كان يَهْدَر عالمعبد تَع داتو. 22 كي قام من بين الموتى، تَفَكَّرُو التلاميذ تَعو باللي قال هاد الشّي، وَأمنو بالكتوب والكلمة اللي قالها يَسوع. 23 وكِي كان في أورشليم في عيد الفصح، بَرّاف آمنو بأسمو

كي شافو المارات اللي كان يُديرهُم،²⁴ بَصَّحَ يَسُوعَ ما كانش مَأْمَنُهُم، خاطر كان
يَعْرِفُهُم كَامِل،²⁵ وماكانش يَسْحَقُ باش واحد يَشْهَدُلو على بُنَادِم، كان يَعْرِفُ هُوَ واش
كايين في بُنَادِم.